

Publication: Berita MediaCorp Online

Date: 30 November 2021

Headline: More than 80% of seniors are concerned about living with endemic COVID-19: SMU Survey

More than 80% of seniors are concerned about living with endemic COVID-19: SMU Survey

Lebih 80 peratus warga emas prihatin tentang keadaan kehidupan apabila COVID-19 menjadi endemik.

Dapatan itu adalah antara hasil tinjauan Universiti Pengurusan Singapura (SMU) selama dua bulan.

Lebih 7,000 orang berusia 56 hingga 75 tahun terlibat dalam tinjauan itu.

Kebanyakan daripada mereka juga prihatin tentang jaminan pekerjaan.

Berucap semasa simposium penuaan berjaya yang dianjurkan buat julung-julung kalinya, Menteri Tenaga Manusia Dr Tan See Leng mengulas tentang cabaran-cabaran yang dihadapi pekerja lanjut usia.

Ia termasuk kehilangan pekerjaan kerana penggunaan automasi.

Namun Dr Tan menambah cabaran-cabaran seperti itu mesti diubah menjadi peluang baru.

"Potensinya tidak terbatas tetapi ia memerlukan kita untuk memerah otak dan bersikap kreatif tentang bagaimana kita boleh mengubah semula pekerjaan dan tempat kerja serta menggunakan teknologi dengan memanfaatkan kemahiran dan pengalaman pekerja lanjut usia," kata Dr Tan.

"Sedang ia diusahakan, kita juga perlu menyokong pekerja lanjut usia yang mungkin perlu atau berhasrat untuk melakukan tugas lain dengan melengkapinya dengan kemahiran baru."